



SAKSPAPIR

Saksnr	Utval	Type	Dato
08/2022	Kommunestyret	PS	25.01.2022

Sakshandsamar	Arkiv	ArkivsakID
Atle Fasteland		20/379

SØKNAD OM FØREHANDSTILSEGN - OPPLEVINGS- OG KOMPETANSESENTER - VAKSDAL MØLLE

Vedlegg:

Søknad om førehandstilsegn - Opplevelse og kompetansesenter Vaksdal Mølle.
Opplevelse, kompetansesenter

Kommunedirektøren sitt framlegg til vedtak:

Kommunestyret vedtek å gje Arbeidsgruppa for etablering av Opplevelse- og kompetansesenter Vaksdal Mølle eit førehandstilsegn om at kommunen samla vil gje støtte for realisering av senteret med 10 % av totalsummen, inntil 1,5 mill. NOK.

Førehandstilsegnet er gyldig fram til 31.12.2023

Tilleggsforslag frå Ap. ført inn i møteportalen av Heidi Rongved, Ap:

Inntil 1,5 mill. kr vert finansiert av Næringsfondet.

Kommunestyret - Sak 08/2022

KOM - Behandling:

Tilleggsframlegg frå Heidi Rongved, AP:

Inntil 1,5 mill. kr vert finansiert av Næringsfondet.

Røysting

Det vart først røysta over kommunedirektøren sitt framlegg, som vart samrøystes vedteke. Framlegget frå Heidi Rongved fekk 6 røyster (AP) og fall.

KOM - Tilråding/Vedtak:

Kommunestyret vedtek å gje Arbeidsgruppa for etablering av Opplevelse- og kompetansesenter Vaksdal Mølle eit førehandstilsegn om at kommunen samla vil gje støtte for realisering av senteret med 10 % av totalsummen, inntil 1,5 mill. NOK.

Førehandstilsegnet er gyldig fram til 31.12.2023.

Saksopplysningar:

Samandrag/konklusjon (kort om saka)

Ei arbeidsgruppa for etablering av Opplevelse- og kompetansesenter Vaksdal Mølle arbeider med å få på plass bidragsytarar for etablering av senteret med ei kostnadsramme på kr. 15 mill. NOK. Arbeidsgruppar søker Vaksdal kommune no om ei førehandstilsegn på at kommunen samla vil bidra med 1,5 mill. kr i støtte. Kommunedirektøren tilrår at arbeidsgruppa får søknaden innvilga.

Bakgrunn for saka

Arbeidsgruppa for etablering av Opplevelse- og kompetansesenter Vaksdal Mølle ønskjer å etablere eit opplevings- og kompetansesenter i tilknytning til Vaksdal Mølle. Arbeidsgruppa består av seniorrådgjevar i Vaksdal kommune Eirik Haga, Jørn Øyrehagen Sunde, professor ved det juridiske fakultet UiO, Odd Berge, Møllearbeidar Vaksdal, Olav Jarl Bruvik og Roger Falck- Olsen som begge er tidlegare tilsette ved Norgesmøllene.

Felleskjøpet eigedom har tildelt prosjektet eigna lokale i 6 etg kontorbygning ved Vaksdal Mølle og Norgesgruppen har gitt historiske dokument og gjenstandar m.m. til prosjektet.

Målgruppa for senteret er turistar, reisande, lokalsamfunn, verksemder og skuleelevar med tilpassa undervisningsopplegg og omvising, med både praktisk og digital tilrettelegging. Dei planlegg å installere prøvemølle med eiga bakeriavdeling, samt kantine/kafe for sal av lokalprodusert mat. Dei ønskjer å skape eit senter som profilerer Vaksdal kommune som industristad, kompetansesenter, turismål og reiselivsdestinasjon.

Formannskapsmedlemmene vitja Norgesmøllene sine lokale 8. september 2020 og fekk då orientering om planar for etablering av Møllemuseum. I kommunestyremøte 27.10.21, [sak 76/2020](#), fekk arbeidsgruppa støtte på kr. 400 000 til eit forprosjekt.

Arbeidsgruppa arbeider no med å få på plass bidragsytarar til etablering. Dei er i kontakt med Vestland fylkeskomme, samt aktuelle næringsverksemder. Jamfør kostnadsoverslaget vedlagd saka vert totalkostnadene på 15.mill NOK. Arbeidsgruppa ønskjer no ei førehandstilsegn frå Vaksdal kommune med ei samla støtte på 10 % av dei totale kostnadene, det vil seie kr 1,5 mill., i prosjektperioden.

Vurdering og konsekvensar

Arbeid som vert utført i Møllerens, tek utgangspunkt i ein over 150 år gamal tradisjon. Sjå: <https://www.mollerens.no/om-mollerens/historie/> . Arbeidsgruppa sine planar for senteret tilseier at besøkande vil kunna lære om prosessar og ustyr som er blitt nytta i verksemda sidan Vaksdal Mølle stod ferdig i 1872. Med eit slikt senter vil ein også kunna ta vare på viktige deler av kommunen sin immateriell kulturarv.

Kommunedirektøren ser potensialet ved ei slik etablering og ønskjer at kommunen skal bidar med støtte til verksemda. Prosjektet er eineståande i regionen og vil skapa merksemd også hjå andre kommunar.

Arbeidsgruppa utviklar prosjektet vidare i eit jamt tempo, men det er ikkje sett ein ferdigstillingsdato for etablering. Kommunedirektøren har tru på at arbeidsgruppa vil realisere prosjektet, men ser likevel behov for å setje ein frist for førehandstilsegnet.

Med bakgrunn i ovannemnd tilrår kommunedirektøren at arbeidsgruppa får tildelt 1, 5 mill. NOK i førehandstilsegn til etablering av opplevings- og kompetansesenter Vaksdal Mølle.